

四庫未收書輯刊編纂委員會編

四庫未收書輯刊

北京出版社

玖輯·貳拾陸冊

四庫未收書輯刊

四庫未收書輯刊編纂委員會編

北京出版社

〔清〕夏之蓉撰

半舫齋古文八卷

清乾隆刻本

玖輯・貳拾陸冊目錄

半舫齋古文八卷	〔清〕夏之蓉撰	一
耕餘居士詩集十八卷	〔清〕鄭世元撰	一一五
春山先生文集四卷	〔清〕郭善鄰撰	二七七
夢堂詩稿十五卷	〔清〕英廉撰	三七七
力本文集十三卷	〔清〕馬榮祖撰	四八三
力本時文二卷	〔清〕馬榮祖撰	五七七
南坪詩鈔十卷	〔清〕張學舉撰	六一三
積山先生遺集十卷	〔清〕汪惟憲撰	七一一

〔清〕夏之蓉撰

半舫齋古文八卷

清乾隆刻本

序

癸丑歲高郵夏君醴谷提南宮文名藉甚而未與文之選時予教習庶常以三江五湖考命題醴谷爲文示予見其援據精確氣色淵古竊謂時賢遠不逮也嗣予刪定唐宋八家文醴谷間出議論與予相辨難往復至再三不厭雖所見畧殊而指歸不異予益重之知其蘊釀者深矣後醴谷舉鴻詞科歷奉

天子簡命膺校士之任著述日繁波瀾愈老視向之所爲殆有進焉予益歎醴谷之邃於學而其傳將寔廣也往者姜君西溟與予論古文之學至前明而衰至

序

本朝而復振今醴谷崛起於後以嗣興爲已任擇而精語而詳駁駁乎與侯魏諸子比烈其亦昌黎所云能自樹立不因循者與披閱之暇爲書其大畧而歸之望溪老人方苞

古文之學難言已予嘗觀西京六代暨唐宋以來諸大家之作見其原原本本發摭胸中之奇真足以佐佑六經管攝萬類前明三百年以古文名世者如潛溪震川荆川諸公亦自冠絕一時然視韓柳歐蘇已不可同年而語若滄溟空同以後尤降而逾下者矣夫立言之道以至性爲骨元氣爲輔精其學而窮其變不必一過一

步蹈襲前人而摹華咀腴自能臻極妙境洵乎文以載道非苟然也哉

朝運祚昌隆人文踵接若侯朝宗魏叔子姜西溟汪亮峯諸君子皆克自樹立跨越前代郁郁彬彬稱極盛焉吾友醴谷先生家珠湖之側早負重名由進士擢鴻詞科典試於闕視學於粵於楚文采風流焰耀海內今解組退休哀集其平生所作古文屬予論次展玩之下歎其類情指事剗除一切浮膚之言而體裁淵茂真氣流衍其於漢唐宋以來諸家之矩範未嘗覘規求合固已沈浸變化融冶入神方之前賢殆未易軒輊也嗟夫文

序

之可傳中必有物荀卿氏云寸管下僚天地不能以氣欺彼要眇者且然況文本諸心發諸聲而謂可以欺天下後世與錢唐年弟陳兆崙

古文一道較難於詩詩以道性情而已古文則經緯三才稱不朽之盛事非才識兼綜無由詣極世人耳食每膠執故力求諸形似謂此兩京此六朝唐宋鑒則畫沙刻棘非不工妙也傳未數十年已索然不見其所有無他其精亡爾仕疎幼即治古文之學刻精敝神頗積日力甲子歲出先生之門越六載而獲見於京師因請質焉先生不以爲不肖而嘉其所已能益勉其所未至及

觀先生之文而惘然失也先生之文肖心而出與道大
適未始不原本古人而生氣騰躍不可端倪蓋卓然自
成一家之言其真精爲不可掩也魏冰叔有言文之佳
者能自傳於世非世之能傳之吾於先生亦云建寧門
弟子朱仕琇

序

三

半舫齋古文鈔

第一卷

頌三篇

碑文一篇

解三篇

辨二篇

考一篇

第二卷

傳九篇

總目

第三卷

論十二篇

第四卷

書八篇

劉子二篇

第五卷

序十八篇

第六卷

記六篇

策二篇

策問二篇

說四篇

議一篇

第七卷

墓表二篇

墓志銘四篇

祭文四篇

第八卷

雜著六篇

賦八篇

總目

二

右吾師醴谷先生古文原本二百餘篇屬祖啟為之
 刪定祖啟受而讀之往復披覽竊歎先生之文渾朴
 真摯不以雕繪炫長而瑰瑋特達非常之寶無一不
 韞於其中其必傳於後無疑也獨念先生持文章之
 衡著述宏富為當代所宗仰顧乃以校勘之任屬之
 於啟觀集中所云六十以前閱數十載之久跨越數
 省得士僅四人將使啟奮其跛足以與驕驕要為
 駮之靳啟則非倫乃竟獲廁於濫竽而吾師不之斥
 何其幸歟龜勉校勘刪其大半得如干首凡舊集中
 時賢所評騰悉採而存之並附鄙見以復於先生鳴

乎此與羊叔子憂其不傳何異而啟之愚妄且萬不
 逮鄒湛自知之明可以為世之笑也
 乾隆辛卯歲二月朔日秣陵門弟子戴祖啟謹識

總目

三

半舫齋古文目

第一卷

東巡頌

南巡頌

聖主得賢臣頌

南嶽廟碑

七日來復解

六宗解

考仲子之宮解

周公居東辨

古文目

春王正月辨

三江五湖考

第二卷

茅許兩忠愍公合傳

沈雲英傳

黃貞女傳

茅貞女傳

邵潛夫傳

翁孝子傳

外大父戶部郎中陳公修六傳

王尚書傳

贈庶吉士先大父西涯公傳

第三卷

荀揚大醇小疵論

留侯論

龜錯論

論荀氏三則

殷浩論

姚宋論

唐藩鎮論

古文目

李文靖論

方正學論上

方正學論下

李東陽論

黃鍾爲萬事根本論

第四卷

與王書臣書

荅張解元世榮論古文書

與楊農先先生書

與李鳴奇書

上鄂相國論經筵書

荅朱梅崖書

與茹三樵書

與姪葆春書

進書劄子一

進書劄子二

第五卷

興藝錄序

福建鄉試題名錄序

粵東汲古編序

古文目

證是編序

月坡詩集序

重修燕喜亭序

浯溪詩序

湘南汲古編序

圭齋文集序

王廷鑑詩序

伊園詩存序

楚風補序

駢征集自序

脫粟集序

趙山詩集序

禘祫辨誤序

通州志類例總序

正味集序

第六卷

盤山倒景潭記

天台山觀日出記

連州山記

麓山書院記

古文目

醉竹軒記

半舫齋記

經學策

史學策

福建鄉試策問

存經學詩賦二條

婚說

喪說

醫說

師說

大禮議

第七卷

詹事府左春坊左中允兼翰林院編修西村吳公墓表

通議大夫直隸提刑按察使司按察使文庸姜公墓志銘

奉政大夫知中衛縣事鶴溪甄公墓志銘
詔贈朝議大夫戶部福建司郎中允蒼陳公墓志銘

伍母雷太恭人墓志銘

古文目

五

輓舅氏陳公嵩浦先生文

祭筠莊兄文

哭揆齋弟文

祭廣州署中鬼文

第八卷

樂府四則示石萬資

六十自述書付子姪

南海銅鼓攷畧

三苗攷畧

書院近況寄示味堂

焦螟賦

太學石鼓賦

南郊瑞雪賦

五六天地之中合賦

平定金川賦

南薰賦

鶯囀上林賦

天竹賦

古文目

六

高宗皇帝御極
林蔭茂
高宗皇帝御極

東巡頌

皇帝御極十有三年。大孝備舉。文德覃敷。念古者聖帝賢王。厥有巡狩之典。迺沛

德音。下特詔。將觀於泰山。肇舉殷禮。既而萃於

孔林。惟是朝夕定省。或恐有闕。遂親奉

皇太后車駕。以行。一時議禮之臣。進而請曰。巡者循也。

民可循則循之。狩者守也。為我守土。則從而循順之。然

古文卷一

燧巢軒倍。金泥玉檢。著於錄者七十一代。則封禪之禮

行焉。今我

國家版。漢籍。渤區宇。恢廓八風。順應萬靈。式序雖古。皇

王之威。何以加茲。是宜類而序之。告之

上帝。使

聖德神功。今古流。燦且嘗按元嘉之儀。開元之禮。王者

巡幸。朝警夕蹕。句陳扈。壘罔有所闕。況茲者

皇太后安輿。戒塗周廬。環衛其尤。不可以簡。凡車騎鈴

櫜。帷城。樞。桓。宮。懸。簾。仗。之屬。宜下令所司。以時備

皇帝則念秦漢以來。六經中晦。緬維

先聖道。實付于車。服禮器。赫然並在。將往觀焉。至岱宗

望。秩載在虞典。後儒附會。紛綸無足憑信。其曷敢稍自

滿假。以塔息心。抑又念

皇太后仁儉之德。率先天下。不忍以輪蹄馳躡之故。煩

苦我父老。昔漢章帝南巡。詔所經地。無得設儲胥。命司

空自架橋道車。可以引避。引避之馬。可輟解。輟解之列

史紀載。以為美談。我

聖祖仁皇帝躬閱淮黃。六巡南服。職方不治塗掌。舍不

治宿。櫪行。菱止。而引領望幸者。相屬於路。是宜慎守斯

道。以繩

古文卷一

祖武若夫。馳道千里。離宮百區。叔季之主。乃能為之。亦

何法焉。於是在廷諸臣。皆再拜稽首承命

皇帝遂於二月戊午奉

皇太后車駕。發京師。所至之地。市肆不易芸。勑無變。瞻

髮黃口。如葵。傾陽。丁卯詣闕。里行釋奠。禮已已祀泰山

禮成奉

皇太后車駕。還京師。詔告天下。小臣等迺作頌曰

天以我清克肖其德。大放其世。維

任與如實。篤生

聖子

聖子臨御萬邦協和衢熙壤擊載遊載歌其歌維何念我

帝力庶或見之

翠華奕奕其遊維何瞻我

帝光庶或見之

翠華琅琅

帝曰俞哉稽古明辟省方觀風而朕何爲端居法宮我車既攻我馬既同四牡龍駕言徂東既而曰予其不可以往哉我欲慰我民維寢門之事弗躬弗親仰惟

古文卷一

三

慈壽沛厥懿旨予則偕往而弗中止迺登泰山我愛嶽燿火陳其乾魚瞻言闕里有罇有匏曲繼在御其音孔昭於斯時也笙鏞迭奏琮璧並舉東魚西鳥里禾鄔黍嘉祥之應不召自至者豈特一十有五曰有儒生執經跼蹐蹇我形悻析其疑義亦有田父於耜連連錯我玉趾相其流泉雁眉者叟擊瓜而跪維帝屈指算其甲子土龍者稚傍車而跳維帝引子摩其雙鬢道旁竊竊相語以耳是雖君我而我

父母又有父子兄弟羣居擬議其眉堯同其目舜似我瞻天表真

聖天子其鸞秋秩其組駢駢豐隆迴御義和轉輪迴給厥復迺錫厥租迺肆厥青迺賜厥醕維聖母以愉

結構井然頌揚得體昔人謂昌黎淮西碑詞嚴義偉制作如經此殆得其遺意陳句山

學古之面目易得古之神髓難似此朴茂古宕皆有神趣溢於行間是韓柳二公摩西京之作宋人不能爲也茹三樵

古文卷一

四

太平盛事寫得酣嬉淋漓令人神往後幅真氣湧出得之韻語尤難戴祖敬注

南巡頌

我朝龍興一百有八載。淳風扇洽。茂澤膏潤。逮於海表。罔弗納賁。獻贊鱗集仰流。

皇帝臨御以來。鼓仁奮義。苞乾絡坤。登封之儀。以次遞舉。巡岳祀嵩山。

御蹕所經。湛恩汪濊。復念三江兩浙。稱東南沃區。小民喝躍望幸。宜勤。

清問遂允。臣工之請。於乾隆十六年春正月。戒百官具儀衛恭奉。

皇太后車駕發京師。維時瑞雪初霽。青陽載道。旄麾既

古文卷一

五

南元氣隨行。油油總總。百神順序。由淮浦達京。歷姑蘇。至錢唐。登會稽山。祭禹墓。所過周覽山川風物。察民

利便。咨疾苦。閭澤麗鴻。不可殫悉。臣謹按大易之觀。先王以省方設

教。故舜時五載一巡狩。周禮十有二載。王巡狩殷國。其

間徧九畿。觀五等陳三幣。問百年。厥典至隆。且鉅。然嘗

攻周頌。時邁殷篇。所稱薄言震之。莫不震疊。蓋初有天下。弗寧者之所為。即隋山。喬岳允猶。翁河亦祀典之恒

爾。未有大孝備舉。至德覃敷。如今天子之盛者。夫紹先猷。奉慈極明。庶政恤蒸黎。王者

所以。既闢聖緒。而昭萬世之業也。往者

聖祖南巡。警蹕不嚴。徒御不飾。風行星從。而郊圻之民。親光戴德。今有司具南巡儀。

詔一如康熙中故事。繩武之休。騰騰復旦矣。又按禮記。德為聖人。然後能以大孝事其親。茲者日躔星紀。值

皇太后萬壽之期。皇帝先意承志。推原宇內。仁壽所由。萃錄珍符。以隆色

養。呼祝所至。岳瀆同聲。易曰。受茲介福。於其王母。不信

然。與後漢書載。世祖建武十九年。幸汝南南頓。復田租。一歲。因史人言。乃復增一歲。茲者降

古文卷一

六

大詔。渙德音。蠲除所及。計數百萬民。皆扶老攜幼。環詠聚舞。以為

聖世鴻濛。漫溢之澤。躡古燦今。如此。又若淮郡距河。詔易防以石。諸廢罷臣迎

駕者。廉非大罪。悉予故秩。增二省郡縣學弟子員。賜高年粟帛。以節儉力穡。防民之淫。

天語諄諄。易如家人。禮民懌而思鳴。鳴。悅喜此皆大孝薰蒸。放四海得其懷心。以事之之實也。夫古王時巡。藉以

展義。然虞周有其德。而無其文。漢唐有其文。而無其德。若

今天子一舉事而萬善咸備洵乎一遊一豫可以為後
世子孫法臣淮海鄙儒叨列史館欲紀
皇帝大孝放四海之蹟流播樂歌比古典頌而觀其才
之不稱謹采民歌謠拜手稽首以獻文曰
大春我
大清奄有萬方際天為疆長土芒芒昭哉
列后慶篤我
皇率土馨登帝嗜其香日月出入暨於朔南
皇風攸被
皇澤攸涵戴目引喙企

古文卷一

七

皇之驂
皇帝主器以孝為治法古巡狩從近畿始莫莫奉天
氣之源
三陵在焉親薦寢門遂
覃大恩及山東西伊洛之瀕孔惠其民滌蕩歡聲上溢
蒼皇浩浩南國斗牛是紀昔在
聖祖六駕攸止遺澤汪汪濡如海水父老有言
皇帝孝仁
聖祖之迹休哉是猶合辭上額抑止不可青瑣瀕
恩冀瞻微義

皇帝曰咨念爾下民翳不忘
聖祖之德益篤於予一人博是尊親河山其屯祇奉
聖母慰元元哉維十六年
聖母大壽孟春正月駕言南狩靈風衙衙百神被宙幢
節揚旂耀於翁河漕來萬艘亦孔之多垂意河防以觀
於淮懼民之墊爰石其陂奕世之利
聖主攸開金焦二嶼元江中流迎
皇之舟
皇舟洋洋
皇仁湯湯解通賜糧阜商於囊大江以南廣其學員賜

古文卷一

八

來迎臣夙罪與竊永無愆哉杭有西湖蘇有虎水
皇帝匪觀爾民毋淫戒是游奢以約其心來游來咨民
舞德音禹陵之袖孝陵之松地流聖酌
皇帝之恭
皇帝之恭
皇帝之仁德洽幽明施及無垠大江瀾瀾其條維南流
皇惠聲既溥既覃於穆我
皇德配
天只續前人緒浹民肌髓歸告
太廟

列祖格。孝德懿。永錫爾祉。

東巡南巡二頌紀事得實其詞古典其氣謹嚴而神趣洋洋又非子陽邊幅所能望其肩背必傳之作也侯起叔

叙事處胡若列眉綱要具舉亦漢京之遺祖被注

古文卷一

九

聖主得賢臣頌

漢王褒既被徵。至京師。承詔作聖主得賢臣頌。瑰偉壯麗。文辭之家。艷焉。然而感刀俎之抑鬱。慕符璫之光榮。於風雲龍虎。所為聲合。而景從者。未嘗不三致其意。至若鹽梅不剗。鼎鼐何資。律呂未宣。琴瑟誰聽。古之人堂高。陟下日贊。日孜。都俞之音。不先吁咈。用能導揚盛治。底於休康。則歲規匡正之功。曷可少哉。而褒曾未之及矣。蓋身不登於堯舜之堂。足不接於禹皋之步。徒見夫曲逆爰立。平津繼侯。若百唯千。諛相襲。遂以為簪紳之美。亡逾於是。其識不廣。宜其言之陋也。今

古文卷一

十

天子建中和之極。既金聲而玉振之。顧乃博訪疇咨。夜以繼旦。謂嵩嶽之間。雲雨磅礴。天下豈其無申甫焉。於焉以道德為弓旌。以禮義為纁幣。飢渴之誠。惟恐不至。故凡經綸恢廓之儒。圭璧純懿之彥。莫不彈冠並起。躡蹻踵來。其能襄偉業於當代。垂鴻號於無窮者。與褒之所稱。奚啻霄壤哉。臣遭際聖明。不辭謏陋。拜手稽首。爰作是頌。雖其文義簡質。不及褒之萬一。而無隱美。無飾詞。則殆過之矣。頌曰。於哉我。后萬方之宗。不旋於明。不鑄於聰。維茲一人。尚克有助。

我任我車。胡棄爾輔。天乃儲之。日星其精。地乃鍾之。海岳其形。帝曰。咨哉。我求維才。爾母我遐。惠然能來。臣拜稽首。天子萬年。臣無媚骨。臣無腆顏。稽古明辟。維堯與舜。載垂厥裳。而不言聖古。有蓋臣惟禹。皋陶。載若厥采。而不言勞。堯舜之德。敬為之源。禹皋之學。敬為之門。君其敬之。毋安厥位。命不可謀。以日斯畏。臣其敬之。無鰥厥官。靖恭匪懈。雪其肺肝。帝曰。俞哉。予其汝聽。如玉斯攻。如木斯繩。繫彼惡人。美言維疾。不轉其圜。而瑱之石。繫惟哲人。謙乃益光。既寶。

古文卷一

士

其直而拜其昌。穆哉聖辟。皇哉良臣。實惟同德。永有一心。南金楚楚。大貝琅琅。景我休聲。既梯既航。甘雨祁祁。惠風習習。協於和徵。既洋既溢。帝曰。休哉。時乃之謨。皇圖莫安。以永無虞。雖曰無虞。弗以自恃。惟慎厥終。乃克厥始。

與傳無涯。淡直逼西京。周石帆

意識絕高。謹飭中仍自宕逸。是大作手。朱梅崖

識議勝于淵。頌體亦絕非于淵。轉近昌黎。相敬注

南嶽廟碑

南嶽衡山。踞九州之三。最大南方之山。西自岷。東極海。南至百粵。歸然隆然。享血食隆禋。福者以萬數。皆稟命於嶽。其神最靈。神出玉牒。赤文而綠字。佐禹治水平。煙塞亨南塗。有功德於民。實為國家祈福。天子祝釐之所。山蜿蜒七百里。薈鬱蒸煥。出雲氣。致雷雨。其麓為洞庭。浸灌三十餘郡。清淑之氣。發為丹砂。白錫。鍾乳。漆。檀。貞松。文梓。橘。柚。之邑。竹。箭。之。美。甲。天下所感。孕其奇。巍煥實冠於諸嶽。乾隆中。議修嶽廟。正宮。燕寢。席廡。廚。福。秩翼有序。每逢國家有大慶。

古文卷一

士

天子推恩。祭告嶽瀆。秩宗具禮。以聞。天子親署近臣。馳驛以往。廟有巨鐘。迺漢唐時物。每天使來。輒先大聲吼。震徹山谷。其祭之前夕。逆。盡省。獲天清霧開。峯巒豁露。望南方朱鳥七星。其大如覆。懸空搖搖。如鐸欲墮。祭之五更。使耆詣祝聖寺。祠官假羽衛黃鉞。曲柄繖。子奉。

詔冊行。使者袍笏。奉赤璋。蜃樽。以從。祠官捧詔冊。東嚮立。讀冊。守土之臣。各襄其事。經沉。頓。燎。無不畢舉。南嶽之神。朱光之袍。日精之冠。乘赤龍。駕赤蚪。紛以縱縱。般以裔裔。來止於壇。紫蓋天柱。石廡。諸峯。接延。